



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Apologia Pro Conscientiis infirmis, Sev Responsio Benigna
Pro securitate dictaminis practici super certa
probabilitate fundati**

**Fibus, Bartholomaeus
Schweitzer, Johannes**

Coloniæ, 1682

§. Octavus. Concluditur Apologia.

urn:nbn:de:hbz:466:1-39304

¶: ¶: ¶: ¶: ¶: ¶: ¶: ¶:

§. OCTAVUS.

Concluditur Apologia.

I.



Æc sunt, Admodum Reverende & Eximie Pater, quæ super controversiâ tam famosâ paucis duxi respondenda. Dum rei totius negotium perpendo, videtur id mihi non absimilis esse argumenti, cuius fuit exorta contentio temporibus Apostolorum in Ecclesia Dei, per imprudentes quosdam legis Mosaicæ æmulatores, zelo, ut apparebat quidem, pietatis, sed non secundùm scientiam abreptos, omniq[ue] studio laborantes gentibus ad Christum conversis jugum circumcisionis seu legis Mosaicæ imponere: de quo ita legitur Act. 15. Surrexerunt quidam de Hæresi Pharisæorum (Jansenistarum) qui crediderunt (scilicet in Christum) dicentes: quia oportet circumcidere, præcipere quoq[ue]; servare legem Moysi (quia oportet constringi conscientias; præcipere quoq[ue]; servare legem probabilioristicam) Conveneruntque Apostoli & seniores (Innumeri præstantissimi Ecclesiæ Doctores) videre de verbo hoc. Cùm autem magna conquisitio fieret, surgens Petrus dixit ad eos: Viri Fratres quid tentatis Deum, imponere jugum super cervices discipulorum, quod neque Patres nostri, neque nos portare potuimus. Respondit Jacobus dicens: propter quod ego judico, non inquietari eos: sed scribere, ut abstineant se à contaminatione.


bis simulachrorum & fornicatione (& transgres-
sione cuiuscunque legis certò latè & promulga-
tæ) Tunc placuit Apostolis & senioribus cum omni
Ecclesia (omnibus melioribus Ecclesiæ Doctori-
bus & Theologis) eligere viros, scribentes perma-
nentes eorum : Apostoli & seniores Fratres (Docto-
res & seniores Theologi) his qui sunt Antiochia,
& Syria & Cilicia (Lovanii & Coloniæ) Fratri-
bus salutem. Quoniam audivimus, quia quidam ex
nobis exerentes, turbaverunt vos verbis, evertentes
animas vestras, quibus non mandavimus : placuit
nobis collectis in unum, eligere viros, & mittere ad
vos. Visum est enim Spiritui sancto (qui suave ju-
gum, & onus leve per Christum imposuit) &
nobis, nihil ultra imponere vobis oneris, quam haec
necessaria, ut abstineatis vos ab immolatis simula-
chrorum &c. à quibus custodientes vos bene agetis.
Valete. Quamcum legissent, gavisi sunt super con-
folatione. Nunc

2. Postremum convertor ad Paternitatem
Vestram, eamque compello in iisdem terminis,
quibus Cellarium alloquitur, & bipartitum Tra-
ctatum de regula morum finit modestissimus An-
tonius Terillus : sic ut secundam personam, quam
ipse alloquitur, convertam honoris causâ in ter-
ram. Itaque ex hoc capite gratias agimus Vestre
Paternitati, eamque rogamus, ut impugnationem
hanc aequi bonique consulat, nec agrè ferat me scri-
psisse. Hoc enim feci, tum ut communem omnium
Authorum (Probabilistarum) quos grandis peri-
cula

etis reos fecit, causam agerem, illosque ab accusatio-
nibus Paternitatis Vestrae vindicarem; tum ut ma-
teriam hanc prius à me (in dictatis scholasticis)
vulgatam, hāc secundā scriptione perficerem, atque
doctrinam ibidē traditam, ab iis, quae Paternitas Ve-
stra in eam objecit, defendere. Hoc autem me sola-
tur, quod sciam me cum Theologo ingenioso con-
gressum habuisse: qui proinde præsumi potest impu-
gnationem hanc agrè latus, cùm sit conscius, se
complures atque omnes fermè Ecclesiæ Theologos im-
pugnasse. Proposui, quæ mihi in libellis suis visa sunt
notā & correctione digna. Si quid vel in minimo a-
licubi à me erratum esset, de hoc non solum patienter,
sed Deo dante, libenter à quovis me admoneri
patiar. Homo sum: nil humanum à me alienum pu-
to. Si ergò quidquam consonè ad pietatem, ad fidem
orthodoxam, ad bonos mores, ad rationem rectam à
me scriptum fuerit, approbet: si verò in aliquo deflexi,
torem id Sapientiem correctioni ex animo submitto.
Dolendum sane, quod (in doctrinis tam periculo-
sis & curationibus indignis) eximia talenta
sua, doctrinam, eruditionem, subtilitatem perdiderit.
Cogitet, quantum utilitatis Ecclesia, quantum
commodi proximo, quantum etiam gloriae sibiipsi
parere, si laborem & industriam ad communes
morum ac fidei opiniones elucidandas addiceret.
Hoc mihi semper haret in corde, tritam Catholico-
rum Doctorum viam, communesque & unanimes
Doctorum tamen in materia fidei, quam morum opi-
niones esse tutissimas. Ergò has sequamur: ad bo-

num

num proximi & salutem animarum: sed potissimum
ad laudem summi Dei, cuius honori hos meos exiguos
labores, omnemque industriam devotissimo affectu
dedico.



Ad Bene-volum Lectorem.

Riusquam finio, scire te cupio, quod nomen
meum in titulo Apologæ, ac deinceps ex-
primi noluerim, ob probabilisticæ conten-
tionis invidiam, & Censurarum in me fœditatem;
quæ venales extant in approbationibus Disserta-
tionis triplicis. Sed quia Apologæ impressione
jam prope paratâ, intellexi, id ab adversariis ad cri-
sin trahendum, volui, ut in authentico Notarii in-
strumento pag. 142. exprimeretur. Convenien-
tiūs quoque videbatur, sciri, cuius esset profes-
sionis, qui Superiorum permisso Apolo-
giam edi profiterer, ad quorum Centuram
remissus fui. Nec plura. Feci ego in hac respon-
sione quod debui: faciant adversarii, quod pos-
sunt, dummodo salva deinceps charitatis jura &
justitiæ servent. Si indignantur & vitio vertunt,
quod responderim; videant, quantum culpæ suæ
tribuendum sit, quod provocârint. Justitiâ cauæ
meæ fretus, nullius integri & prudentis arbitri
judicium reformido. Nunc addo paucula corri-
genda in Apologetico responso.

ERRA